

**Talamdan sa  
mga Mensahe alang sa Full-time Training  
sa Spring Term sa 2022**

-----  
**LINANGKOB NGA HISGOTANAN:  
MGA CAPITULO 5 HANGTOD SA 8 SA ROMA—  
ANG UNOD/UYOK SA BIBLIA**

**Mensahe 1**

**Ang Linya sa Kinabuhi ug ang Linya sa Kamatayon sa Capitulo 5  
hangtod sa 8 sa Roma**

Basahong Kasulatan: Rom. 5:10, 12, 14, 17-18, 21; 6:4, 9, 16, 21-23; 7:5, 10, 13, 24; 8:2, 6, 10-11, 38-39

**I. Manganlan nga unod/uyok sa Biblia ang mga capitulo 5 hangtod sa 8 sa Roma kay balikbalik mang gihisgotan ning mga capitulo ang duha ka mahinungdanong pulong—*kinabuhi* (5:10, 17-18, 21; 6:4, 22-23; 7:10; 8:2, 6, 10-11, 38-39) ug *kamatayon* (5:12, 14, 17, 21; 6:9, 16, 21, 23; 7:5, 10, 13, 24; 8:2, 6, 38):**

- A. Mosangpot ang kahoy sa kinabuhi ug ang kahoy sa kahibalo (ang kahoy sa kamatayon) sa duha ka linya—sa linya sa kinabuhi ug sa linya sa kamatayon—nga nitadlas sa tibuok Biblia ug natapos sa basahon sa Bugna; nagsugod ang kinabuhi sa kahoy sa kinabuhi (Gen. 2:9) ug matapos sa Bag-ong Jerusalem nga syudad sa tubig sa kinabuhi nga naay kahoy sa kinabuhi (Bug. 22:1-2), kahayag sa kinabuhi (21:23; 22:5), ug himaya sa kinabuhi (21:10-11, 23); nagsugod ang kamatayon sa kahoy sa kahibalo (Gen. 2:17) ug matapos sa linaw nga kalayo (Bug. 20:10, 14).
- B. Makapasalig sa tawo sa Dios ang kahoy sa kinabuhi (Juan 15:5), samtang makapasupil sa tawo sa Dios ug dili makapasalig niya Kaniya ang kahoy sa kahibalo (itandi sa Gen. 3:5).
- C. Si Cristo mismo ang kinabuhi sa Dios, ang kinabuhing walay kataposan (Juan 14:6; 11:25; 1 Juan 1:2); nianhi Siya aron makabaton tag kinabuhi ug makabaton niini sa madagayaon gyod (Juan 10:10); namatay Siya sa nagpagula-sa-kinabuhi nga kamatayon ug nisulod sa nagpaambit-sa-kinabuhi nga pagkabanhaw (12:24; Luc. 12:49-50) aron mahimong Espiritung taghatag-og-kinabuhi (1 Cor. 15:45) nga balaod sa Espiritu sa kinabuhi (Rom. 8:2), nga naghatag og kinabuhi sa atong espiritu, salabotan, ug sa may-kamatayon nga lawas nato aron lamyon ta sa kinabuhi para mahimong mga tawo sa kinabuhi alang sa syudad sa kinabuhi (vv. 10, 6, 11; 2 Cor. 5:4).
- D. Ang kahoy sa kinabuhi nagtimaan sa Tulo-usang Dios nga gipakalawas diha ni Cristo nga kinabuhi sa tawo ingog kalan-on—Gen. 2:9; Juan 1:4; 10:10; 14:6; 1 Cor. 15:45; Juan 6:35, 57:
  1. Ang pagbutang sa Dios sa tawo atubangan sa kahoy sa kinabuhi nagpakita nga gusto sa Dios nga dawaton Siya sa tawo isip iyang kinabuhi pinaagi sa organicong pagkaon Kaniya ug metabolicong paghilis-sagol Kaniya, aron mahimong inug-umol mismo sa pagkamao sa tawo ang Dios—itandi sa 5:39-40; 2 Cor. 3:6.
  2. Nagtubo ang kahoy sa kinabuhi sa masigkadaplin sa suba sa tubig sa kinabuhi, nagpakita nga balagon kini; kay punoan sa paras man si Cristo ug kinabuhi sab, Siya ang kahoy sa kinabuhi—Bug. 2:7; 22:1-2; Juan 15:1; 14:6.
  3. Nahikay si Cristo pinaagi sa pagpakatawo, pagkalansang sa krus, ug pagkabanhaw aron makabaton ang tawo og kinabuhi ug mabuhi sa pagkaon niini Kaniya—10:10b; 6:51, 57, 63; itandi si Isa. 7:14-15.

**II. Ang pahiuili sa Ginoo pagpahiuili man sa pagkaon nato ni Ginoong Jesus nga kahoy sa kinabuhi, atong espirituhanong kalan-on, aron matukod ang orga-**

**nicong Lawas ni Cristo; makaon nato ang Ginoo nga kahoy sa kinabuhi, atong espirituhanong kalan-on, ning mga paagiha:**

**A. Makaon nato Siya sa pagkaon nato sa Iyang mga pulong:**

1. “Dili mabuhi ang tawo sa tinapay lang, kondili sa matag pulong nga mogula sa baba sa Dios”—Mat. 4:4.
2. “Pagkatam-is gyod sa Imong mga pulong sa akong pagtilaw! / Labi pang tam-is kaysa dugos sa akong baba!—Sal. 119:103.
3. Ug niingon Siya nako, Anak sa tawo, kan-a ang imong nakita; kan-a kining linukot, ug lakaw, sulti ngadto sa balay sa Israel. Busa ninganga ko, ug gipakaon Niya nako ang linukot. Ug niingon Siya nako, Anak sa tawo, pakan-a ang imong tiyan ug pun-a ang imong ginhawaan ning linukot nga Akong ihatag nimo. Ug gikaon nako *kini*, ug sama kini katam-is sa dugos sa akong baba. Unya niingon Siya nako, Anak sa tawo, adto sa balay sa Israel ug isulti kanila ang Akong mga pulong”—Ezeq. 3:1-4.
4. “Napalغان ang Imong mga pulong ug gikaon ko kini, / Ug nahimong pagmaya ug kalipay sa akong kasingkasing / Ang Imong pulong, / Kay gitawag ko sa Imong ngalan, / O Jehova, Dios sa mga panon”—Jer. 15:16.
5. “Ang mokaon Nako mabuhi sab tungod Nako...Ang Espiritu maoy naghatag og kinabuhi; walay pulos ang unod; ang mga pulong nga gipanulti Ko kaninyo espiritu ug kinabuhi”—Juan 6:57, 63.
6. “Dawata...ang espada sa Espiritu, ang Espiritu nga mao ang pulong sa Dios, pinaagi sa tanang pag-ampo ug pagpangamuyo”—Efe. 6:17-18.
7. “Mamalandong ko sa Imong mga tamdanan / Ug magtahod ko sa Imong mga dalan”—Sal. 119:15 ug nota 1.

**B. Makaon nato Siya sa pagbuhat nato sa kabubut-on sa Amahan sa pagtagbaw sa mga gigutom ug giuhaw ug sa paghimaya nato sa Amahan dinhi sa yuta sa pagkinabuhi nato sa kinabuhi sa Dios-tawo—Mat. 24:45-47:**

1. “Ang Akong kalan-on mao ang pagbuhat sa kabubut-on Niya nga nagpadala Nako ug ang paghuman sa Iyang buhat”—Juan 4:34.
2. “Gihimaya na Ka Nako dinhi sa yuta, gihuman ang Imong buhat nga gipabuhat Nimo Nako”—17:4; itandi sa Col. 1:9-11.

**C. Makaon nato Siya sa pagkontak nato sa hustong mga tawo—Lev. 11:1-3, 9, 13, 21.**

1. Ang pagkaon pagkontak mag mga butang sa gawas nato ug pagpasulod niini kanato, nga moresulta sa pagkahimo niining sulodnong pagkaumol nato sa kapulihay.
2. Sa Levitico 11 nagtimaan sa nagkalainlaing mga tawo ang tanang mananap, ug nagtimaan sa pakigkontak nato sa mga tawo ang pagkaon—itandi sa Buh. 10:9b-15, 27-29.
3. Aron makakinabuhi ang katawhan sa Dios sa balaang kinabuhi ingon sa gipangayo sa balaang Dios, mag-amping gyod sila kalabot sa klase sa mga tawong gikontak nila—itandi sa Levitico 11:46-47; 1 Cor. 15:33; 2 Cor. 6:14-18; 2 Tim. 2:22.
4. Ang mga mananap nga buak og kuko ug mousap-usap (Lev. 11:3; itandi sa vv. 4-8, 26-28) nagtimaan sa mga tawong dunay pagkaila sa ilang kalihokan (Fil. 1:9-10) ug nagdawat sa pulong sa Dios uban sa daghang paghunahuna pag-usab (Sal. 119:15).
5. Ang mga mananap sa tubig nga dunay mga kapay ug mga himbis nagtimaan sa mga tawong gawasnong makalihok ug makabuhat sa kalibotan ug sa samang panahon makasukol sa impluwensya niini (motabang ang mga kapay sa paglihok, pagbuhat, sa isda diha sa tubig segun sa gusto niini, ug manalipod sa isda ang mga himbis ug maghimong dili maparat kadtong mga isdang nabuhi sa dagat)—Lev. 11:9.
6. Ang mga langgam nga dunay mga pako nga iglupad ug mokaon og mga liso sa kinabuhi ingog sangkap niini nagtimaan sa mga tawong makakinabuhi ug makalihok diha sa kinabuhing layo sa kalibotan ug nagpaibabaw sa kalibotan ug nagkaon og mga butang sa kinabuhi isip sangkap nila sa kinabuhi—v. 13

7. Ang mga insektong dunay mga pako ug mga bitiis ibabaw sa mga tiil niini nga igluksolukso sa yuta nagtimaan sa mga tawong makakinabuhi ug makalihok diha sa kinabuhing nagpaibabaw sa kalibotan ug makaamping sa ilang kaugalingon gikan sa kalibotan—vv. 21-22.
- D. Makaon nato Siya sa pagkombira nato Kaniya sa mga tigom diha sa bugtong-talagsaong sukaranan sa pagkausa:
1. Makapahimulos ang mga anak sa Israel sa dagayang abot sa yuta sa duha ka paagi: ang kasagaran, kinaugalingong paagi pagpahimulos man niini ingog kasagarang pahat sa bisan unsang takna, sa bisan asang dapit, ug uban ni bisan kinsa (Deut. 12:15); ang espesyal, hiniusang paagi pagpahimulos man sa labing maayong pahat, sa mga unang-bunga ug sa mga panganay, uban sa tanang Israelinhon sa gitudlong mga pista ug sa bugtong-talagsaong dapit nga gipili sa Dios (vv. 5-7, 17-18).
  2. Maingon man sab, dunay duha ka aspeto ang pagpahimulos sa mga magtutuo sa Bag-ong Tugon kang Cristo: ang kasagaran, kinaugalingong aspeto nga pagpahimulos kang Cristo sa bisan unsang takna ug sa bisan asang dapit, ug ang espesyal, hiniusang aspeto sa pagpahimulos sa labing maayong pahat ni Cristo sa mga tigom sa hustong iglesiahanong kinabuhi diha sa bugtong-talagsaong sukaranan sa pagkausa, sa dapit nga gipili sa Dios.

### **III. Magpabilin gyod ta sa paagi sa kinabuhi, sa linya sa kinabuhi, sa pagmintinar sa kinabuhi pinaagi sa pagpahimulos nato ni Cristo nga kahoy sa kinabuhi diha sa agay sa kinabuhi alang sa pagtukod sa Dios diha sa kinabuhi sa pagtubo nato sa kinabuhi—Juan 10:10b; Bug. 22:1-2; Efe. 4:16; 2:21-22:**

- A. Magpabilin gyod ta sa paagi sa kinabuhi sa pagkinabuhi ug pag-alagad nato sumala sa prinsipyo sa kinabuhi, dili sumala sa prinsipyo sa husto ug sayop:
1. Magkinabuhi ug mobuhat gyod ta sumala sa pagbati sa kinabuhi sa sulod diha sa atong espiritu, sa paggiya sa kinabuhi, dili sumala sa husto ug sayop—Rom. 8:6; 2 Cor. 2:13.
  2. Ang sukdanan sa Cristohanong pagkinabuhi mao si Cristo nga nagpuyo sa sulod nato; dili kini kalabot kon unsay husto o sayop kondili niuyon ba o wala ang diosnong kinabuhi sa sulod nato sa usa ka butang—Mat. 17:3, 5, 8; itandi sa Mal. 2:15-16.
- B. Magpabilin gyod ta sa paagi sa kinabuhi sa kinahingpitan gyong paghigugma nato sa Ginoo, magdani sa uban nga mogukod Niya—Mar. 12:30; A. S. 1:4a:
1. Aron makapahimulos ni Cristo nga kahoy sa kinabuhi, sultian gyod nato Siya sa tanang panahon nga, “Ginoong Jesus, gihigugma Ka nako”; kon nagdilaab ang paghigugma nato ni Ginoong Jesus, nagpauna Niya sa tanang butang, makapahimulos ta sa tanan Niyang pagkamao—Bug. 2:4-5, 7.
  2. Aron makapahimulos ni Cristo nga kahoy sa kinabuhi, isaad gyod nato ang mga tawo nga ipaasawa Kaniya, dad-on sila nga tinuod gyong makadayeg, mahigugma, ug makapahimulos sa bililhong persona ni Ginoong Jesus—2 Cor. 11:2-3.
  3. Ang pagtuo nato sa Ginoo pagdawat man nato Kaniya nga kinabuhi, ug ang paghigugma nato sa Ginoo pagpahimulos nato Kaniya nga kinabuhi, pagpahimulos sa persona mismo nga nadawat nato; gihatag sa Dios kanato ang pagtuo aron pinaagi niini madawat nato si Cristo ingon nga atong kinabuhi; molugwa ang gugma gikan nianang kahibulongang pagtuo ug makapakinabuhi nato sa tanang kadato sa Tulo-usang Dios diha ni Cristo nga atong kinabuhi—2 Ped. 1:1; Heb. 12:1-2a; 2 Cor. 4:13; Gal. 5:6; Juan 1:12-13; 21:15-17; Col. 3:4.
  4. Ang kinabuhi mismo nga nadawat nato sa pagtuo nato ni Ginoong Jesus usa ka persona, ug ang bugtong paagi nga maaplikar ug mapahimuslan nato kining persona paghigugma man Kaniya sa unang gugma; kay persona man si Ginoong Jesus nga kinabuhi nato, nagkinahanglan tag bag-ong pagkontak Kaniya aron makapahimulos sa presensya Niya karon ning gutloa gyod ug adlaw-adlaw—Juan 11:25; 14:5-6; 1 Tim. 1:14; Juan 14:21, 23; 2 Cor. 5:14-15; Bug. 2:4-7; Col. 1:18b.

5. Mahigugma ngani ta Niya, ipadayag Niya ang Iyang Kaugalingon kanato, ug mo-anhi Siya ug ang Amahan kanato ug maghimo sa puluy-anan Nila uban nato (Juan 14:21, 23); busa, moampo gyod ta sa mga pag-ampong ingon niini: “Ginoo, pakit-a ko sa Imong gugma ug pugsa ko sa Imong gugma aron mahigugma ko Nimo ug magkinabuhi ngadto Nimo”; “Ginoo, pahigugmaa ko Nimo sa tanang panahon”; sige gyod natong sultian ang Ginoo nga, “Ginoong Jesus, gihigugma Ka nako; Ginoo, ampingi ko diha sa Imong gugma! Daniha ko sa Imong Kaugalingon! Ampingi ko sa tanang panahon diha sa Imong mahigugmaong presensya” (itandi sa A. A. 1:2-4).
6. Sa basahon sa Roma, human ipakita ni Pablo kanato ang pagbuhat sa pagkamarong sa Dios nga giisip kanato, ang pagpasurop sa Iyang pagkabalaan kanato, ug ang paghimaya sa Iyang himaya nga gipasidlak kanato ug pinaagi nato, gidala ta niya ngadto sa gugma sa Dios, nga mao ang kasingkasing sa Dios—Gen. 2:8-9; 3:24; Heb. 10:19-20; Bug. 22:14; Rom. 4:22-24; 6:19, 22; 8:18-19, 21; 1 Cor. 1:30; Rom. 5:5; 8:30-39; 1 Juan 4:16-18.
7. Unang nahigugma ang Dios kanato kay gipatuhopan man ta Niya sa Iyang Kaugalingon isip gugma ug gipahimugso sa sulod nato ang gugmang gihigugma nato Niya ug sa tanang igsoon (vv. 8, 16, 19-21); busa, ang gugma sa Dios alang nato nahimong gugma nato alang Niya ug alang sa tanang igsoon.
8. Basi niini, makaawit ug makaampo ta—“Gihigugma nako ang Akong Ginoo, apan dili sa akong gugma, / Kay wala koy ikahatag; / Gihigugma Ka Nako, Ginoo, apan Imoha ang tanang gugma, / Kay nabuhi ko tungod sa Imong gugma” (*Mga Alawiton*, #546, estansa 1); “Dunay gihigugma ang tanang kasingkasing: / Kon dili si Jesus, walay makapahulay; / Ginoo, gihatag nako Nimo ang akong kasingkasing; / Dawata kini, kay Ikaw ang labing gihigugma niini” (*Mga Alawiton*, #547, estansa 1).